



Universitätsbibliothek Paderborn

**D. Petri Chrysologi Archiepiscopi Ravennatis, viri
eruditissimi atque sanctissimi, Sermones In Evangelia De
Dominicis & festis aliquot solemnioribus totius anni,
insignes & peruetusti**

Petrus <Chrysologus>

Lvgdvni, 1623

In diuam Felicitatem Martyrem. Sermo CXXXIV.

[urn:nbn:de:hbz:466:1-50232](#)

æstuans & anhelans, ac toto virtutis gradu dominicis
incumbit hærere vestigiis, nec eum cursus faciat dis-
parem fratri, quem natura similem, vocatio socium,
parem gratia ipsa perfecerat. Ad vnam vocem domi-
ni sicut ille patrem, patriam, censem reliquit: labori-
bus, opprobriis, itineribus, contumeliis, vigiliis, Chri-
sti indefesse germani societate donauit: solum est
quod tempore dominicæ passionis fugit, sed neque
hoc impar, quia fugit: negare autem si aliqua puta-
tur culpa, non est grauius fugere, quam negare: sed
tacenda sunt alia: æquauit fratres venia, quos sic
discreuerat culpa. Et secutus, vt deuotio perprobauit,
quos metus improbauerat antecedens. Nam crucem
quam refugerant, postea coniunctis viribus ardenter
inuadunt, vt vnde reatum sumpserant, inde conscen-
derent cœlum, inde præmium sumerent, & coronam.
Perrus namque crucem, arborem cōscendit Andreas:
vt qui Christo compati gestiebant, in semetipſis fi-
guram, formamque ipsius exprimerent passionis: &
redempti ligno consummarentur ad palmam. Sic
Andreas noster & si cedit ordini, præmio tamen non
cedit, & labori.

In diuā Felicitatem Martyrem. Sermo CXXXIV.

Quoniam varios martyrum, multiplicesq; trium-
phos, quos persecutoris crudelitas toties illu-
sa cumulauit, tempus nos dinumerare non patitur,
ad illam tota nostri sermonis configit oratio, quæ
meruit filios tot habere, quot dies mundus accepit.
Vere mater lumen, fons dierum: quæ septenario
coruscō germinis sui toto orbe splendet. Beata quæ
non solum pro lege paritur, sed ipsius legis heptalis-
mū meruit mater sancta generare: heptalismum fra-
tres, qui non vnius & temporalis tabernaculi illustra-
ret

ret arcum, sed Ecclesiam sempiternam sacro illuminaret incenso. Fœlix, quæ meruit portare tot vir- *Exod. 25:*
tutum pignora, quot illa arca præceptorum volumina sacrata gestauit: & vt illa verbo, ita hæc doceret exemplo. Iam tūc eos fratres, martyres genuit, quādo eos partus sui septenario numero consecrauit, & my-
stico. Huc, huc sanctus Paul⁹ veniat, qui adhuc partu- *Gal. 4:*
rit donec Christus formetur in homine. Ecce mulier iterum, atque iterum parturit, donec in virtutem mutetur infirmitas, caro transcendat in spiritum, terra transferatur in cœlum. Ardebat, anhelabat, vt eos uno die sacros martyres pareret, quo vix parvulos per annorum curricula generabat. Ecce mulier, ecce ma-
ter: quam vita filiorum fecit anxiā, mors securam. Beata, cui in futura gloria tot astant cādelabra, quot germina. Beata, quæ tot præmisit ad regnum: beatior,
quæ suum in sæculo nil amisit. Discurrebat lætior in-
ter confossa cadavera, quam inter cunabula chara fi-
liorum, quia internis oculis tot cernebat brauia, quot vulnera: quot tormenta, tot præmia: quot viçtimas,
tot coronas. Et quid plura fratres? Non est, non
est vera mater, quæ nescit filios sic amare.

In diuum Laurentium, Sermo CXXXV.

HOdiernus dies baptismi martyris Laurentij co-
rona illustratur: cuius egregij martyris merita
nulla pars Romani orbis ignorat: Passus est in ipso
capite gentium, i. in ipsa vrbe Romana. Ibi enim dia-
conus ministrauit: & in ipso iuuentutis suæ flore de-
corem iuuentutis suæ sanguine purpurauit. Passio
eius insignis est, multumque mirabilis: hanc breuiter,
Domino adiuuante, narrabo. Illo tunc Archidiaco-
no beatus Sixtus erat Episcopus, cuius triumphus
martyrij ante triduum fuit. Cum ergo sanctus

Gg 2

Laurentius